



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

**Dirckinck, Johann**

**Coloniae Agrippinae, 1713**

21. Natura æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

168 *Domus eternitatis. Consideratio*  
sanctè te semper impenderem, & fluxa  
omnia aspernarer! O æternitas! quæ es  
duratio constans & invariabilis rerum  
nunquam finiendarum, utinam sic tran-  
sirem per illa caduca brevi dimittenda,  
ut non amitterem ista stabilia, nunquam  
terminanda! sed quomodo fiet istud?  
Cogita, rumina, considera crebrò, hinc  
æterna, inde momentanea: *Qui enim Dei*  
*æternitate perspectâ, breve, & penè ad pun-*  
*cti instar, humane vite spatium cogitave-*  
*rit; ante oculos suos semper habebit interi-*  
*rum, & erit humilis atque dejectus, omni-*  
*umque rerum contemptor.* S. Hieron. in  
epist. ad Ephes.

## CONSIDERATIO XXI.

Natura æternitatis.

*Ab eterno usque in eternum. I. Para-*  
*lip. c. 16, 36.*

*I. Martii.*

**E**Xplicavimus hætenus æternita-  
tem, per symbola, similia, hiero-  
glyphica, per annos, dies & tempora. Ve-  
rùm quis tandem ipsam æternitatis na-  
turam

turam ac substantiam nobis definiet, aut explicabit? O quid es incomprehensibilis æternitas? Abyssus es sine fundo, ego te non intelligo, non capio; longè minus comprehendo: nam esse semper & nunquam finiri, incomprehensibile est: quod enim finem non habet, quis hominum comprehendat? siquidem omnis comprehensio, quidam complexus est; omnis autem complexus, est quædam definitio, quod autem finem non habet, quâ definiti poterit? *Infiniti enim nulla pars ipsum metitur.* Ut docet Aristoteles L. 6. Phys. c. 1.

II. Definire tamen æternitatem conati sunt Sapientes; ut in his Boëtius L. 5. de Consol. Phil. prosa. 6. ubi ait: De æternitate Dei: *Æternitas est interminabilis vita, tota simul & perfecta possessio.* Est possessio vitæ, quæ non in spe, sed re ipsâ possidetur. *Vita*, quia vita est perfectissimum esse, adeoque meritò in ea ponitur æternitas, quæ est perfectissima duratio. *Interminabilis*, soli Deo in præteritum & futurum convenit, Angelis verò & hominibus tantùm in futurum. *Tota simul:*

H 2

quia

170 *Domus eternitatis. Consideratio*  
quia non habet in Deo partem post partem : sed omnia colligit in momentum. *Perfecta* possessio, quia est integra, plena, inamissibilis, interminabilis, quoad essentiam & omnia contenta.

III. Possessio omnino *perfecta*, & quidem in Deo est perfectissima ; in Beatis, suo modo, *perfecta* : quod, ut clarius perspicias , confer omnia hujus vitæ bona, cum bonis vitæ futuræ, & videbis non in his, sed in illis nihil perfectum reperiri : multa enim semper desunt : Habes in hoc vitæ tuæ decursu opes, deest honor : habes honorem, deest sanitas ; habes sanitatem, deest scientia ; habes scientiam, deest facundia & gratia. Assides opiparo convivio , sumpto cibo, mox deest appetitus, deest voluptas, cibo gravaris, deest vigor & alacritas animi, deest quies mentis & nocturna &c. Atque ita hîc nihil reperitur perfectum, *nihil est ex omni parte beatum*. Secus se res habet in æternitate, Dei & Beatorum ; quia & in Deo perfectissima sunt omnia & Beati omnibus simul bonis fruuntur : Possident enim proprio captu opes Dei, scientiam Dei, delicias

cias Dei, robur Dei, paradifum Angelorum & Sanctorum omnium, & hoc in æternum. *Latitia fempiterna fuper capita eorum, gaudium & exultationem obtinebunt.* An non hæc perfecta poffeffio ?

*Pactum.*

**O** Æternitas divina ! vita perfectiffima, vita jucundiffima, vita infinita, vita tota fimul ! O æternitas beata ! vita interminabilis, vita perfecta, vita jucunda, vita summè optanda ? Tu à nobis comprehendendi non potes ; æftimari tamen potes, acquiri potes, poffideri potes ; comprehendere tu me, cum ego te nequeam comprehendere. Eo fine, animo pleno, prudente, fciente, volente, refolvo me, ad tuum ingreffum & inhabitationem ; & veluti pactum tecum indiffolubile in eo, quod, dum vivo, tui fempervelim curam gerere, ac recordari, & poft hanc vitam, in complexum, finumque tuum lætus demigrare.

2. *Martii.*

I. **Æ**ternitas beata Angelorum & hominum, S. Augustino est *Status, ubi est amor perfectus, & timor nullus, ubi dies eternus, & unus omnium spiritus.* O quàm felix erit ille status! ardens amore, catens timore; fulgens luce, gaudens pace, & spiritûs, cordiûmque unitate, semper durante! Perfecta enim in illa cœlesti patria charitas, foras mittit timorem: Deum amant ac possident; ideoque neminem timent. *Deus charitas est: qui manet in charitate, in Deo manet & Deus in illo.* 1. Joan. c. 4. Hinc nihil est, quod metuat.

II. In illo felici statu, dies est perpetua, nulla nox, nulla caligo, defectus nullus, sed *omnia bona, in uno bono*, ut ait S. Ambrosius L. 3. Ep. 11. Est enim, ut Theologi definiunt: *Status omnium bonorum aggregatione perfectus.* Ubi saturitas sine fame & siti; ubi fames & sitis sine fatietate; ubi plenæ divitiæ, plenæ deliciae, pleni honores, plena omnium rerum scientiâ, & plenum, ex his omnibus

bus gaudium , cum perseverantia in æ-  
ternum

III. In hoc statu denique *unus omni-  
um spiritus* : Id est unum velle, unum nol-  
le, unus sensus, unus spiritus ; ubi salus,  
ubi vita , ubi pax est infinita , ubi Deus  
omnia. *Ego ero illorum Deus & ipsi mihi  
erunt populus.* 2. Corinth. c. 16. 16. Ego  
ero omnia in omnibus : *Ego ero, quæcum-  
que ab hominibus honestè desiderantur ; &  
vita & salus, & virtus, & copia & gloria,  
& honor & pax, & omnia bona.* Et sic rectè  
intelligitur : *Erit Deus omnia in omnibus ,  
& desideriorum omnium finis.* S. Aug. L.  
22. de civ. c. 30.

*Affectus desiderii.*

**O** Status felix! status lætus, status per-  
fectus, securus atque beatus! pudeat  
me, quòd tam frigidè hæctenus desidera-  
verim te ; statuo nunc indies magis ac  
magis anhelare ad te. *Infelix ego homo,  
quis me liberabit de corpore mortis hujus ?*  
Rom. c. 7. 24. Cupio dissolvi, ut veniam  
ad te, ô beata æternitas! & gaudeam in  
te: *Ubi tristitia nulla, sed lætitia sempiter-*

174 *Domus aternitatis. Consideratio*  
*na; ubi desiderium omne transit in gaudi-*  
*um; dum præsto est, quidquid optatur; &*  
*quidquid desideratur abundat. S. Aug.*

3. *Martii.*

I. **Æ**ternitas S. Dionysio Areopagi-  
tæ L. de div. nom. c. 10. *Est æ-*  
*vum ævorum, quod nunquam interit; sed*  
*semper eodem modo se habet. O ævum*  
*ævorum beatum! O ævum ævo-*  
*rum damnatum! quàm longè distatis ab*  
*invicem? Et neutrum unquam interit, sed*  
*semper eodem modo se habet: numera tot*  
*myriades annorum quot sunt in firma-*  
*mento sidera, in campis gramina, in*  
*granariis grana; & neutrum unquam in-*  
*terit, sed semper eodem modo se habet, per*  
*omne ævum ævorum, & per omnia sæ-*  
*cula sæculorum.*

II. Considera, quàm sit lætum *ævum*  
*ævorum* in cœlo; inter amabilissimos  
Angelorum choros: inter Beatarum  
mentium speciosa agmina; in Dei, sum-  
mi boni, præsentia: in illa mansione su-  
perna, ubi sanitas & sanctitas, gaudium  
& jucunditas, societas & satietas, tran-  
quil-



quillitas & securitas, beatitudo & felicitas, nunquam interit, sed semper eodem modo se habet: semper in eodem statu permanet, & in æternum perseverat.

III. Ex aduerso; ô quàm triste *æuum ævorum* in orco! Ubi calamitas & miseria, anxietas & tristitia, fames & penuria, damnatus & tormenta, tortor, tortus & tortura, nunquam interit, sed in eodem statu semper persistit. Ubi damnatus semper vivit & nunquam moritur; semper sitit, & nunquam potatur; semper famet, & nunquam satiatur; semper caligat, & nunquam illuminatur, semper roditur, & nunquam corroditur; semper uritur, nunquam comburitur, nunquam in cineres redigitur, nunquam ab incendio liberatur.

### *Affectus zeli.*

**O** *Æuum ævorum*, ævum æternum: ævum diuturnum! quiste non stupeat? O *æuum ævorum* in cœlis, cujus cor licet ferreum, tu magnetis instar non attrahas? O *æuum ævorum* in orco; cujus pectus, licet adamantinum, tu non mo-

H s

veas,

176 *Domus æternitatis. Consideratio*  
veas, non flectas, non percellas, nisi ve  
ratione, vel fide careat? Et tamen eheu  
Quot ejusmodi in mundo reperiuntur  
milliones? O Domine! miserere; Qui  
*non est volentis, neque currentis; sed mise*  
*rentis Dei. Rom. c. 9. 16. Et nemo potest*  
*venire ad me, nisi Pater meus traxerit*  
*eum, ait Filius tuus. Joan. c. 6. 44. Ab*  
trahe me, trahe innumeros ad te, ut con  
vertantur & vivant; ut cognoscant te  
ament & laudent te, in tempore & æter  
nitate!

## CONSIDERATIO XXII.

*Æternitas Divinitatis.*

*A saculo, usque in saculum, tu es Deus.*

*Psal. 49.*

*4. Martii.*

I. **C**ONSIDERAVIMUS, quid sit æternitas;  
nunc quænam in Domo æterni  
tatis, æterna sint, expendamus; atque à  
Deo O. M. auspicemur. Tu in primis, ô  
magne Deus, es æternus: nam *A saculo*  
*usque in saculum, tu es Deus. l. c.* Tu nun  
quam cœpisti, nunquam desines: tu  
omne